

Jesu Adioukrou

1.1

Jan mij ok nuɲ es e Nyam odad eke dad

Matie 3.112; Luk 3.118; Jan 1.1928

1 Aɲa anake Jesu *Krist [Nyam Jim] ec'Amani Mamn a ɔb nuɲ a,

1.1415

Jesu e jam esel krekre ek'esɲ

Matie 4.1222; Luk 4.1415; 5.111

14 Legɲ ab em eke wɛl elu Jan mij ok nuɲ es sobel em a, Jesu im Galile wus af etɲ n'am ɔb Nyam ec'Amani Mamn a eci kokoba li dad l'esɛ:

15 «Legɲ a eke Nyam ewar a ow ɲ, aɲke Nyam ec'*es ew a ow titm. Itɲnin erm em ke ébr Amani Mamn a.»

1.2127

Jesu ewlm abɲ ɲuɲ es a

Luk 4.3137

21 Jesu lel in e *jam esel ab ab im Kapernayum ec'eb ab em. *Nenɛɲ e legɲ a, Jesu ey *Nyam nuɲ igɲ usu a etɲ am yegm agɲ low.

22 Agɲ a ek'am iri in e low yegm a, low am iti any in ec'elɛl eke n'am yegm agɲ low a sosiem, aɲke n'anm esɛ el ec'ol e *low yegm esel ab af, kɔ n'am yegm wɛl low abusu ɔny em.

23 Ke Nyam nuɲ igɲ usu yogɲ egɲ nyam ek'*abɲ ɲuɲ anɲ em a, am ɔg dad esɛ:

24 «Oy! Nasaret e Jesu, bla am erur eke ki kok ey ee? Kɔ ek'ow eke ki ɲuɲ ey ee? Em, m'uw egɲ ek'el'ɲ ab any: Nyam ec'erm es lala.»

25 Jesu dad abɲ ɲuɲ a odad lebl tuɔtuɔ em nine: «Yèwal, ke éy ɔkm egɲ na em!»

26 Abɲ ɲuɲ a mumu egɲ a lɛc em, etɲ am ɔg ey ɔkm in em.

27 Agɲ a fɛɲ low iti any afɲn es toɲ batɲ n'am bibrmnin el ɔfr l'esɛ: «Kɔ na bla lowi ana ee? Bogɲ ec'abusu ɔny em e low yegm owr ana ee? Egɲ ikɲ na ew *abɲ eɲuɲ yɛj'es, etɲ li b'elum ow!»

1.3234

32 Ncebles em a, eke ligbn im eru es a, agɲ ot el ec'ól u a fɛɲ is Jesu; *abɲ eɲuɲ esɛl yɛji anɲ em.

33 Eb ab em ec'agɲ a fɛɲ as luku Simɔ eci lisany a.

34 Jesu ewlm ólu a lel el ec'ól eɲ eɲ a fɛɲ ab. N'am ogɲ abɲ eɲuɲ a, etɲ l'élum wɛl abusu es eke wɛl ki dad odad, aɲke l'uw egɲ a ek'el Jesu ab any.

2.112

Jesu ewlm sos es wɛw es nyam

Matie 9.18; Luk 5.1726

1 Eke sɛɲ bɛb ec a, Jesu ewl ow Kapernayum, etɲ dedeku a iri eke l'ɛc akɲ.

2 Etɲ kɛkɛɲ agɲ nɔnɔ ow as luku gbugɲ a eb usu a fɛɲ; usu kaka anm, lisany a bɔbɔ yɛji usu anm. N'am dad wɛl Nyam ec'odad,

3 etɲ agɲ yar abu sos es wɛw es nyam am is Jesu.

4 Gbɛkɔ eke li k'ɔtumɲ l'okmɲ yogɲ a eke Jesu sig es agɲ a sosiem a, li fig usu nyam él luw af a, etɲ l'oc ɔlu a ek'anɲ in eci faja em a l'usm es Jesu ec'any af.

5 Eke Jesu b'ekn agn a ec'omn a, li dad sos es wew es a nine: «Em jim, m'oc n e sikpl a m'ap'ij.»

6 Ol eci *low any uw esel beb sig es yogij, etij am tutr el ec'erm em dad ese:

7 «Kɔ bla etij egij na am dad odad nene ee? N'am ɔbr Nyam any! Bwo ec'egij ɔtu eke k'oc sikpl ap ek'ow elm Nyam ɔny coco ee?»

8 Eke Jesu uw el e sow tutr ab any a, li dad wel nine: «Kɔ bla etij am tutar ów amua na ɔny ec'erm em ee?

9 Kɔ bogij ec'anake ew fuɛfuɛ eke wel ki dad sos es wew es ab ee? «M'oc n e sikpl a m'ap'ij», oglog ke wel dád'r ese: «Ígb oc ij eci faja a ke án es ee?»

10 Gbəkɔ m'erur eke k'uwr low na any: wus na af, egij ec'*Iy ɔny abusu eke k'oc sikpl ap.» Etij sica li dad sos es wew es a nine:

11 «M'am dad'ij, ígb oc ij eci faja a eb ejagb ím gbugij!»

12 Kpəkij egij a igb agij a fəij ec'any af, l'oc in eci faja a, etij l'ey ɔkm n'am an es n'im. Ow e low a iti dedeku ab any, etij n'am kɔklm Nyam li dad l'ese: «Ləgij kaka s'eknm low akpasu na.»

4.3541

Jesu adar lidgbegb

Matie 8.2327; Luk 8.2225

35 Ləgij a ce eci ncebles a, Jesu dad in e *jam esel a nine: «S'úbar mij jam a.»

36 Etij eke l'elul bieku ab es a, jam esel a ok letij a eke Jesu anij em ab em, etij n'im. Metij ejeci yeji anij el saw.

37 El ec'ubr em a, kpəkij lidgbegb okr el es etij mra am elul el, toij mij am bubm ok el letij em.

38 Jesu gbə ekpn ob, eru es letij neny a am eru memn. Jam esel a am uwr'r dad'r ese: «Low yegm agij es, kɔ ey e luw na eke s'am ow s'uw a, ow am kokm'ij low kaka ee?»

39 Jesu ufijm es etij dad lidgbegb a lele mij ab ab nine: «Írmn es! Àdar!» Etij lidgbegb a ec'elu a ubr es etij usu a fəij irm es tij.

40 Sica Jesu am dad in e jam esel a ese: «Kɔ bla etij erijm am ɔny ɔny ee? Kɔ ɔny k'ɔnyymn ɔmn ce ee?»

41 Jam esel a erijm ligbel am ɔny etij am dad el ɔfr em ese: «Kɔ bwo el egij ikij na eke lidgbegb lele mij ab b'ɔny in ec'elum ab ee?»

5.2224

22 Egij nyam eke wel b'ənij Jayirus, *Nyam nuj igij usu a ec'es ew es anij ow etij eke l'ekn Jesu a, l'ok ɔwrɔkp wus ow ec'any af.

23 N'am at lebl es ni ijɔijm Jesu li dad l'ese: «Em jɔwli am uw. Ów ke át'r abu nuj, yec'etij ke li k'úwm kɔ ke n'ánij owr.»

24 Jesu ab n'im, etij agij nɔnɔ a ek'aam ewl'l a am itarir l'ul il.

5.3542

35 Jesu odad anij nenyam am dad etij agij anij Jayirus ogij a ow. N'am dad ow l'ese: «Ejɔij uw! K'ijr low yegm agij es gbre ɔfr ɔfr.»

36 Jesu usm el e sodad ebl a jam kɔ li dad Jayirus nine: «K'úru erijm, kɔ ɔny ɔmn ɔny coco ce.»

37 N'ɔwm egij kaka abusu eke k'im ewl'l ek'ow elm Pier, Jak lele Jan ek'el Jak lisijim ab ce.

38 N'im l'ok Jayirus ec'akij a; yogij, sóg ɔnym nuj. Jesu ekn ek'agij am ikij ɔijm babarm.

39 L'ey akij a, etij n'am ibrm wel l'ese: «Kɔ bla sosiem etij am ikijm ɔijm ɔgr ee? Dedyɔwli a, l'uwm kɔ memn n'am eru.»

40 Etij dedeku a am kokr Jesu miyer. Ow sosiem l'ogij agij a fəij ok ɔkm. Gbəkɔ l'ənij iy es a, iy lis a, lel

in eci jam esel agɲ nyahan ab ab, etɲ l'ok akɲ a eke dedyɔwli a anɲ a.

41 N'ɔny ow abu, etɲ li dad ow nine: «*Talita, kum!*» (Ow e nyandre el: «Dedyɔwli, m'am dad'ɲ, ɪgb!»)

42 Kɲekɲ dedyɔwli a igb etɲ n'am an es. Ke dedyɔwli a, n'ɔny akpo lew yony. Agɲ a fɛɲ ek'anɲ yogɲ a, low iti any.

7.1823

18 Etɲ n'am dad wɛl l'esɛ: «Kɔ ɔny yeji k'ɔtumɲ k'irimɲ low na eci nyandre ee? Uwmɲ any ek'ow elm ob ek'ɛɲ b'ij ok lokm a, k'ɔtum ɔɔm'n l'uwm anɲ,

19 kɔ ów tutr eke b'anɲ in ec'erm em ey ɔkm a anake b'ɔɲ'n ke l'uwm anɲ ab ee? Anke ob e li b'ij l'ok sos em a, lokm ow b'ok'r kɔ ow elm erm em, etɲ li b'iny l'ok es.» (Odad ebl na em a, Jesu am yeɲm ek'ob fɛɲ akpl iju.)

20 Etɲ emeny Jesu dad nine: «Ów tutr eke b'anɲ ɛɲ em ey ɔkm a b'ɔɲ etɲ l'uwm anɲ.

21 Tasi em a, ɛɲ ec'erm em anake sow tutr eɲɲ a fɛɲ b'anɲ, ke b'ɔɲ'n l'ij *nfaci, l'iy mil, l'ibi ɛɲ,

22 l'erum ɔw eɲec'ab, l'erur lawl ec'ob; li kok low ɲɲ, l'eju ɛɲ, li wuwlm ów ab, n'ɔnyɲ ɛɲ nyamn eyr, li cak cak ɛɲ, n'ɔny tutre, ke l'ij nyamb a.

23 Ów amua fɛɲ eke b'anɲ ɛɲ ec'erm em ok ɔkm a, anake b'ɔɲ ke l'uwm anɲ a.»

9.28

2 Eke sɛɲ nɔhɔn ɛc a, Jesu ɛɲ Pier, Jak lele Jan ab etɲ li kpab es n'im saw em el ɔny lafɛny gege nyam af. Yogɲ, Jesu itɲn sos el ec'any af.

3 In eci mob sus em a e jeɲn a afɲn es; wus af aɲa, ɛɲ kaka anm eke k'ɔɲ in eci mob sus em a jeɲn eben.

4 Etɲ kɲekɲ *Eli lele *Mois ab okm sos ɔkm etɲ am dad ów Jesu ab.

5 Eke Pier b'ekn eben a, li dad Jesu nine: «Low yeɲm agɲ es, ow akpl eke si k'anɲ aɲa! S'ús nɲɲ igɲ usu nyahan: ɲ e nyam, Mois e nyam lel Eli e nyam ab.»

6 Tasi em a, Pier ɛknm odad eke ki dad anke el nyahan mum erɲn am ɔny el.

7 Kɲekɲ jru ey etɲ ubur el es. Etɲ lebl nyam anɲ jru ab em am ikɲ dad esɛ: «ɛɲ na el em ec'*Iy eke m'erur tasi; ɪrir in e low.»

8 Kɲekɲ *jam esel a am ɔl saw saw, gbekɔ l'eknm ɛɲ kaka ek'ow elm Jesu ɔny cɛ ek'anɲ el ab a.

12.2831

Ol ab em eci ligbɛl tasi a

Matie 22.3440; Luk 10.2528

28 Ol e *low yeɲm es nyam iri el ec'ów es atar a, etɲ l'ekn eke Jesu ec'odad a e dad *Sadusiɛl a el low tasi. L'eri l'ow li titm ow etɲ n'am ibrm ow l'esɛ: «Ol a fɛɲ em e ligbɛl el bogɲ ec'ee?»

29 Jesu dad'r nine: «Kin ol a fɛɲ em e ligbɛl: *O Israel, ɪɲ lɔru es! ɛs Kɔɔkɔ ey e Nyam el Nyam nyam coco.*

30 *B'ow erur Asɲ Kɔɔkɔ ɲ e Nyam ɲ ec'erm fɛɲ em, ɲ ec'abɲ fɛɲ em, ɲ e tutr fɛɲ em lele ɲ e lec pupukpɲ ab.*

31 Etɲ kin ol a e yony em ek'ot krekre ec'ab es: *B'ow erur ɛɲ kaka fɛɲ ɛsɛ ɲ obi af.* Ol a fɛɲ em, kaka anm agbm akam ol yony na.»

14.1011

Judas am bɛbm eke b'ow ɔl Jesu ij

Matie 26.1416; Luk 22.36

10 Sica, *jam esel lew yony ab em ec'ɛɲ nyam eke wɛl b'ɛɲ Judas Iskariɔt, im ɛɲn *egb waw esel ɛgbɛl a, etɲ dad el eke k'ɔny Jesu ɔɲ el.

11 Eke l'irir odad na a, sos em ɲɲn el toɲ l'ɛɲ l'eb eke li k'ɔɲ ow os. Ow ɔɲ Judas am ɔl akunda senyn yec'em eke li k'ɔny Jesu n'ɔɲ wɛl.

14.4446

44 Judas eke b'ow ol Jesu ij a, ikn anym yegm dedeku a akunda yec'em eke li k'onyn ow a. Li dad nine: «Egn a eke m'ow mi joj neny a, in ana; ðnyn in, ðcr imm in, ke ósur ir senyn senyn gɔɔ.»
 45 Kpekɔ eke Judas im titm Jesu a, li dad nine: «Low yegm agɔ es!» Etn li joj ow neny.
 46 Kpekɔ agɔ a ok'r af ɔny'n.

15.615

Wel ɔb Jesu low luw eci

Matie 27.1526; Luk 23.1325; Jan 18.3919.16

6 Eke sakp sakp fɛɔ *Pak ec'es gbɛgbl e lɛɔɔ b'ow a, *Pilat b'elu sobel em es nyam eke dedeku a b'ibrm ab es.
 7 Kɔ ɛɔɔ nyam eke wel b'esɔɔ Barabas lele lawlel ab ab ek'éɔɔɔm Rom ec'es ew e low ebm a, anɔ sobel em. L'el agɔ ek'el ec'erm bebl em ibi ɛɔɔ.
 8 Dedeku a uyu im ɛɔɔ Pilat, etɔ am ibrm'n ese: «Kòk low a eke lakpo lakpo fɛɔ bi kok a ɔɔ ey.»
 9 Pilat ewl am ibrm el ese: «Kò am erurir eke mi k'elu Jwifel ec'eb ebu ab es m'ɔɔ ɔny ee?»
 10 Tasi em a, l'uw any eke nyamn eyr em *egb waw esel ɛɔɔ a oc Jesu is'r.
 11 Egb waw esel ɛɔɔ a am ok dedeku a al em dad ek'ow k'elu Barabas es ɔɔ el.
 12 Pilat emeny am ibrm dedeku a ese: «Sica bla lowi mi ki kok ɛɔɔ a eke b'esɔɔɔ Jwifel ec'eb ebu ab ee?»
 13 N'am ɔɔ li dad ow l'ese: «`Ew'r olikɔ af!»
 14 Pilat ibrm el nine: «Kò bla low ɔbr iy li kok ee?» Kò n'am ɔɔ lebl tuɔtuɔ em l'ese: «`Ew'r olikɔ af!»
 15 Pilat erur eke ki kok dedeku a sos em iɔɔ; na sosiem l'elu Barabas es n'ɔɔ wel, etɔ n'ɔɔ wel ɔr Jesu say em gbuɔ etɔ l'elu abusu es eke wel k'oc im ew ow olikɔ af.

15.3339

Jesu e luw a

Matie 27.4556; Luk 23.4449; Jan 19.2830

33 Sica lɛɔɔ uyu nuɔ em a, ncebn ey wus a nimum af toɔ ok ncebles e wanci nyahan em.
 34 Ncebles e wanci nyahan em a, Jesu barm lebl tuɔtuɔ em nine: «*Eloi, Eloi, lama sabaktani?*» (ek'el nyandre em: «Em e Nyam, em e Nyam, kò bla etɔ digɔ elu'm es ee?») *(ek'el)*
 35 Agɔ nyam nyam ek'anɔ yogɔ a iri odad na etɔ dad nine: «Ìrir, n'am ɛɔɔ Eli!»
 36 Etn el em ec'ɛɔɔ nyam uru es im oc mbra usm el eci mar ab em, oc ujr likɔni nyam em etɔ oc am ɔkɔ Jesu ek'ɛɔɔ. Etn li dad nine: «S'éwr nyamn es s'ekan ek'Eli b'ow ɔny usm'n es olikɔ na af!»
 37 Etn eke Jesu barm lebl ligbɛl nyam a, l'ok sel es.
 38 Wanci ab af ɔɔ *Nyamel ab em eci gbad gbɛl gbada a eke wel ew ɛɔɔɔ *usu lala ab any a, igɔ afr em a etɔ agbr em araɔn didi toɔ ok esr em a.
 39 Rom e srɔda eyɔ a eci anym es a ek'ɔbr Jesu any a, ekn luw a ec'elel eke ecr etɔ li dad nine: «Nje tasi ɛɔɔ na Nyam ec'Iy!»

15.4246

Jesu ec'es oc owi

Matie 27.5761; Luk 23.5056; Jan 19.3842

4243 Sica eke lɛɔɔ ew es a, Josef, Arimate baɔn iy a, am ow. L'el Jwifel e *Sanedrɛn ab em ec'any es nyam ek'in yeɔi am eku ɔmn em, Nyam e *gbreɔgbi usu a e mowrer e low. Ow el *nenɛɔɔ e sos bebm e lɛɔɔ, ek'el lɛɔɔ e wel b'ɛɔɔn gbuɔ ke nenɛɔɔ b'ey wus a. Na sosiem l'oc lokm susu em, n'im n'ɛɔɔn *Pilat etɔ l'ibrm ek'ow k'oc Jesu e sos meɔl a ɔɔ'n.
 44 Pilat low iti any eke Jesu k'uw fafa. Na sosiem l'ɛɔɔ Rom e srɔda eyɔ eci nyimn es ligbɛl a ow etɔ l'ibrm ow eke Jesu uw ow ibn.

45 Sica eke Pilat iri egɛɛ ligbel a nɛnym a, n'ɔɛɛ Josef abusu eke k'im oc Jesu e sos megl a.

46 Josef im ɔɔ gbad ufu nimamɛ nyam, l'ow n'ɔɛɛ Jesu e sos megl a l'usm es olikɛɛ ab af, l'oc gbad ufu a li wiwrm ow ab etɛɛ l'oc n'im l'oc ow es *uwɔmu lob nyam eke wɛɛ n'ɔɛɛ ur ab em. Etɛɛ li wuwɛɛ lebn ligbel nyam l'ow l'abl ow ec'em ey usu ab es.

16.17

Jesu eci luw em anɛ igb a

Matie 28.18; Luk 24.112; Jan 20.110

1 Eke *nɛnɛɛɛɛ e legɛɛ a ec'a, Mari, Magdala baɛɛɛ yɔwi a, Salome lele Mari, Jak lis ab, ɔɔ mun sɛɛɛɛɛ eke k'im ok Jesu e sos megl ab af.

2 Dimas eci ibribr fafa eke ligbn am ey ɔkm a, l'igb n'aam *uwɔmu ab af.

3 N'am dadarir el ɔfr em l'ese: «Kɔ bwo ec'egɛɛ b'ow wuwɛɛ lebn na ek'anɛ uwɔmu a ec'em ey usu a oc es ɔɛ ey ee?»

4 Gbɛkɔ eke li b'igbl any ogɛɛ li ler a, l'ekn eke lob a oc es anɛ saw em.

5 N'im l'ok uwɔmu ab em, etɛɛ l'ekn ngbafre nyam eke sig es lidr ogog a, sus mob ufu kpaakp, etɛɛ ɔyɔw a erɛɛɛ ligbel am ɔny.

6 Gbɛkɔ ngbafre a dad el nine: «Erɛɛɛ k'ɔny ɔny; am ɔɔɔ Nasaret e Jesu a eke wɛɛ ew olikɛɛ af a; l'igb agɛɛ ek'uw ab em, n'anm aɛa. Lɛɛɛ yogɛɛ a eke wɛɛ ew'r a.

7 Sica imn ke dádɛɛ *jam esɛɛ likpr a lele Pier ab eke in am ikɛɛ ɔny anym in im in eku ɔny Galile; yogɛɛ anake ɔny b'ow ɔny ekan in esɛ elɛɛ eke in dad ɔny ab af a.»

16.1516

15 Etɛɛ li dad wɛɛ nine: «Imn wus na nimum af ke ɔbr Amani Mamn a e kokoba okr agɛɛ fɛɛɛ.

16 Egɛɛ yec'eke b'ow ɔny ɔmn ke wɛɛ b'ow ok mij nuɛɛ a, li b'ow n'ɛɛɛ sel; gbɛkɔ egɛɛ yec'eke k'ow ɔnym ɔmn a, Nyam b'ow ɔb'r low luw eci.

16.1920

19 Sica eke Es Kɔɔkɔ Jesu dad el odad bake ow uwr a, n'im afr etɛɛ li sig es Nyam e lidr abu af.

20 Jam esɛɛ a im etɛɛ am ɔb Amani Mamn a e kokoba susu a fɛɛɛ. Es Kɔɔkɔ am elum el abu el e juma kok ab em, etɛɛ meny ewr fɛɛɛ eke n'am elu ɔkm a, am yɛgm ek'el ec'odad a el nawre tasi.